



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

« 13 » 09 2016թ. № 151646

0010 Երևան, Վ. Սարգսյան 3/8, հեռ. /010/ 59-41-40

**«ՎԵՍԹ ԻՍԹ ԴԵՎԵԼՈՓՄԵՆՏ» ՆԵՐԴՐՈՒՄԱՅԻՆ
ՀԻՄՆԱԴՐԱՄԻ ՏՆՕՐԵՆ ԱԼԻՆԱ ԱՊԻՅԱՆԻՆ
(ՀՀ, ք. Երեվան, ԵՐԿԱԹՈՒՂԱՅԻՆ 3 Փ. 7Տ.)**

Հարգելի տիկին Ապիյան

Տեղեկացնում ենք, որ ՀՀ ԱՆ աշխատակազմի օրինականության վերահսկողության տեսչության պետի 13.09.2016թ. որոշմամբ՝ վարչական մարմնի նախաձեռնությամբ հարուցվել է վարչական վարույթ:

Ելնելով վերոգրյալից՝ Ձեզ 26.09.2016թ.-ին ժամը 17⁰⁰-ին հրավիրում ենք ՀՀ ԱՆ աշխատակազմի օրինականության վերահսկողության տեսչություն (ք.Երևան, Վազգեն Սրագսյան 3/8, 8-րդ հարկ՝ 808 աշխատասենյակ, հեռ. 010-59-41-53)՝ հարուցված վարչական վարույթի վերաբերյալ չորրորդ բաժնի պետ Էմին Աբգարյանի կողմից լսումներ անցկացնելու և արձանագրություն կազմելու համար:

Ներկայանալ անձը հաստատող փաստաթղթով:

Կից ուղարկվում է վարչական վարույթ հարուցելու մասին որոշումը՝ 2 թերթ:

**ՀԱՐԳԱՆՔՈՎ՝
ՉՈՐՐՈՐԴ ԲԱԺՆԻ ՊԵՏ**

ԷՄԻՆ ԱԲԳԱՐՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

0010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական վարույթ հարուցելու մասին

13.09.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «Վեսթ իսթ դեվելոփմենթ» ներդրումային հիմնադրամի (գրանցման համար՝ 222.160.01279, (այսուհետ՝ Հիմնադրամ) տնօրեն Ալինա Ապիյանի նկատմամբ 20.05.2016թ.-ին Տեսչության պետի կողմից կայացված «Նախազգուշացում» վարչական տույժ կիրառելու մասին որոշումը և կից նյութերը.

ՊԱՐԶԵՑԻ

Վարչական մարմնի նախաձեռնությամբ 18.05.2016թ.-ին հարուցված վարչական վարույթի արդյունքում Հիմնադրամի տնօրեն Ալինա Ապիյանի նկատմամբ «Հիմնադրամների մասին» ՀՀ օրենքի 39-րդ հոդվածի պահանջները չկատարելու համար 20.05.2016թ.-ի Տեսչության պետի որոշմամբ, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169¹⁸-րդ հոդվածի 1-ին պարբերության, նշանակվել է վարչական տույժ՝ «Նախազգուշացում»: Նույն որոշմամբ Հիմնադրամի տնօրեն Ալինա Ապիյանը նախազգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի «Հիմնադրամների կողմից հրապարակվող և Հայաստանի Հանրապետության արդարադատության նախարարություն ներկայացվող հաշվետվության ձևը, լրացման կարգը, հրապարակման և ներկայացման կարգը հաստատելու մասին» N 319-Ն հրամանով սահմանված կարգով՝ Հիմնադրամի 2015թ. գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am Կայք) և այդ մասին ծանուցել Տեսչությանը:

Տեսչության պետի նախաձեռնությամբ 18.05.2016թ.-ին հարուցված վարչական վարույթի և 20.05.2016թ.-ին վարչական տույժ «Նախազգուշացում» կիրառելու մասին որոշումները, Օրենսգրքի 283-րդ հոդվածով սահմանված կարգով, 23.05.2016թ.-ին ուղարկվել են Հիմնադրամի իրավաբանական հասցեով (ՀՀ, ք. Երևան, Ազատության 1/18, թիվ 10 տ.), սակայն 27.06.2016թ.ին նամակը հետ է վերադարձել՝ «տեղափոխված»:

գրառմամբ: Օրենսգրքի 283-րդ հոդվածի 4-րդ պարբերության համաձայն՝ «Եթե անձի (որին ուղարկվել է որոշումը) հայտնած հասցեով ուղարկված որոշումը վերադարձվել է, կամ ծանուցման փաստը չի հաստատվել, կամ հասցեատերը հրաժարվել է ստանալ պատշաճ կարգով ուղարկված (հանձնվող) որոշումը և ստորագրել հրաժարվելու մասին, ապա որոշումն ուղարկվում է այդ անձի հաշվառման հասցեով (եթե անձի հայտնած հասցեն տարբերվում է նրա հաշվառման հասցեից) և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում: Այն դեպքերում, երբ որոշումն ուղարկվում է անձի հաշվառման հասցեով և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում, որոշումը համարվում է հանձնված (պատշաճ ծանուցված) որոշումն ինտերնետային կայքում տեղադրելու օրվան հաջորդող երրորդ օրը»:

Նշված նորմից ելնելով՝ Տեսչության պետի 20.05.2016թ.-ին վարչական տույժ «Նախագգուշացում» կիրառելու մասին որոշումը 04.08.2016թ.-ին ուղարկվել է Հիմնադրամի տնօրենի հաշվառման հասցեով, իսկ 05.08.2016թ.-ին տեղադրվել է www.azdarar.am Կայքում: Սակայն հրապարակման օրվանից հաշվարկված երեսուն օրվա ընթացքում Հիմնադրամի Հաշվետվությունն օրենքով սահմանված կարգով և ժամկետներում չի հրապարակվել www.azdarar.am Կայքում:

Ելնելով վերոգրյալից, հիմք ընդունելով «Հիմնադրամների մասին» ՀՀ օրենքի 39-րդ հոդվածը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 34-րդ հոդվածով՝

ՈՐՈՇԵՑԻ

1. «Վեսթ իսթ դեվելոպմենթ» ներդրումային հիմնադրամի տնօրեն Ալինա Ապիյանի կողմից Տեսչության պետի՝ վարչական տույժ «Նախագգուշացում» կիրառելու մասին որոշման պահանջը չկատարելու կապակցությամբ հարուցել վարչական վարույթ:

2. Վարույթի իրականացումը հանձնարարել Տեսչության չորրորդ բաժնի պետ Էմին Աբգարյանին:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ